

P. 106, L. 1【五佛】參考本書 p. 164+173+174。五佛：四佛+釋迦。四佛：總明諸佛+三世佛：過去佛、未來佛、現在佛。

P. 106, L. 8【信行、法行】《法華文句記》卷3〈釋序品〉：「亦信法者，即圓二行，聞即信行，如〈隨喜〉、〈法師品〉等；知即法行，如〈安樂行〉等，豈二行者全無修慧？……以一部文，凡論入法，不出二行故也。二慧、二行得入諸位，故『欲令』之言，意通初後。云『收無量以歸一』者，指說大法意也，義當於總。」(T34, p. 204, c19-26)《妙法蓮華經玄義》卷8：「若以行為門者，稟教修觀，因思得入，即以行為門。藉教發真，則以教為門。若初聞教，如快馬見鞭影，即入正路者，不須修觀。若初修觀，如夜見電光，即得見道者，不更須教。並是往昔善根習熟，今於教門得通，名為信行；於觀門得通，名法行。若聞不即悟，應須修觀；於觀悟者，轉成法行。若修觀不悟，更須聽法；聽法得悟，轉名信行。」(T33, p. 784, b1-9)

P. 106, L. 8【一切世間難信之法】《佛說阿彌陀經》：「彼諸佛等，亦稱讚我不可思議功德，而作是言：『釋迦牟尼佛能為甚難希有之事，能於娑婆國土五濁惡世，劫濁、見濁、煩惱濁、眾生濁、命濁中，得阿耨多羅三藐三菩提，為諸眾生說是一切世間難信之法。』舍利弗！當知我於五濁惡世行此難事，得阿耨多羅三藐三菩提，為一切世間說此難信之法，是為甚難！」(T12, p. 348a19-26)

《阿彌陀經疏鈔》卷4：「良繇淨土法門，一切世間之所難信，佛於惡世得道，復於惡世說此法以度眾生，又難中難也。是為第二重難事，明利他功德不可思議。」(X22, p. 680c8-11)「【疏】又《法華》、《金剛》皆云難信，與此同意。【鈔】

《法華》云：「欲令眾生皆得聞知一切世間難信之法。」又云：「此經難聞，信受亦難。」《金剛般若》云：「聞說此經，心即狂亂，狐疑不信，而以不驚、不怖、不畏為希有。」不驚等，即能信也。今經難信，同於二經，奚可輕也？」

(X22, p. 681a10-15)《阿彌陀經要解》：「為淨土眾生說法易，為濁世眾生說法難；為濁世眾生說漸法猶易，說頓法尤難；為濁世眾生說餘頓法猶易，說此淨土橫超頓法尤難；為濁世眾生說淨土橫超頓修頓證妙觀已自不易，說此無藉劬勞修證，但持名號徑登不退，奇特勝妙超出思議第一方便，更為難中之難。以是一切九法界世間所難信故，所以名為甚難希有之事。而十方一切諸佛，無一不稱揚讚歎，推我釋迦偏為勇猛也。」(T37, p. 374a19-28)「信願持名，萬修萬去，永離五濁，圓淨四土，如此妙法，真實難信，故不惟諸佛稱讚，即自亦歎其甚難。

2026/01/06

設非大悲弘誓，塵劫熏心，何能行此難事也哉？此而不信，辜負慈尊甚矣。」

(T37, p. 374b9-13)

P. 106, L. 8【改人教行理】《天台四教儀》：十方佛土中，唯有一乘法，無二亦無三(教一)。正直捨方便，但說無上道(行一)。但為菩薩，不為小乘(人一)。世間相常住(理一)。(T46, p. 775b25-27)

人一：聲聞、緣覺→皆是菩薩。 教一：二乘、三乘→唯一佛乘。

行一：諸方便→求無上道。 理一：二諦、三諦→一實相。

P. 107, L. 3【時無實法】「時」，梵語 kāla，巴利語同。音譯迦羅。時節之義。唯識宗二十四「不相應行」之一。有為諸法相續遷流，令生三世(過去、現在、未來)時間之差別。一般佛教之觀念，均認為「時」乃假立者，勝論外道或時論師則認為「時」乃實在者。有部即稱：時無別體，乃依法而立者。因此在大智度論卷一謂，佛教經典中，不以迦羅表示「時」，而稱「時」為三摩耶(梵 samaya)。經部、唯識等則主張「不相應行」乃於色、心之分位所假立者，並非實法。說一切有部，在色、心及心所之外，另有與心不相應之實法，其體係有為法，又為五蘊中之行蘊所攝。~《佛光大辭典》《太虛大師全書·第十二編 宗體論》：「有執『時』或『方』為特定的本因性的。時即時間，方即空間。現在的西洋學說上，多承認時、空的實有，說時、空是宇宙的架子；自然的變化，即是依時間、空間為骨架。印度思想上也有認時、方為實體的，小乘有部也執時、方是實。印度有「時論師」，言從時發生萬物，如：到此時某物生，到彼時某物滅，世界、眾生，都是如此。然依佛法澈底的說來，時間不過就諸法生滅變化上，相待的假立，根本無有實體，所以不能成為萬有的本因。」

(TX20, p. b057a7-12)

P. 107, L. 8【微細極微細二品愚】《解深密經》卷4〈地波羅蜜多品 7〉：「觀自在菩薩復白佛言：「於此諸地有幾愚癡、有幾麤重為所對治？」佛告觀自在菩薩曰：「善男子！此諸地中有二十二種愚癡、十一種麤重為所對治。謂於初地有二愚癡……於第十地有二愚癡：一者、大神通愚癡，二者、悟入微細祕密愚癡；及彼麤重為所對治。於如來地有二愚癡：一者、於一切所知境界極微細著愚癡，二者、極微細礙愚癡；及彼麤重為所對治。」(T16, p. 704, b4-c2)

《成唯識論》卷9：十地尚「有俱生微所知障，及有任運煩惱障種，金剛喻定現在前時，彼皆頓斷，入如來地。由斯，佛地說斷二愚及彼麤重：一、於

一切所知境極微細著愚，即是此中微所知障；二、極微細礙愚，即是此中一切任運煩惱障種。」(T31, p. 53c19-24)

P. 107, L. 8【百億樹下】《大乘本生心地觀經淺註》卷3：「大千界內。百億四洲。每一四洲中皆有南瞻部洲。亦有百億南洲。一一南洲之中。各有金剛座菩提樹王。是為變化身佛成道所依之處也。為能依化佛既有百億。樹王寶座亦有百億。化身在此百億樹下。一時成道。既現成道。必轉妙法於百億大千世界之中矣。」(X20, p. 980, a24-b6)「百億」：大千世界有 $10^3 * 10^3 * 10^3 = 10^9$ 南洲（現代算術僅為10億，若古時以千萬為億，則 $10^9 = 100$ 億）

P. 107, L. 9【剎那際三昧】華嚴「七處九會」，第七會，如來自住剎那際三昧。《大方廣佛華嚴經疏》卷45〈十定品 27〉：「入剎那際三昧者。即窮法真源。謂時之極促。名曰剎那。窮彼剎那。時相都寂。無際之際。名剎那際。」(T35, p. 841, a12-14)戒環《華嚴經要解》〈三科解〉：「古今諸佛寂用自在徧周之大體，所以參融五位成一法體，無始無終、不遷不動，一多純雜、同別自在。故佛將說十定之名，先於普光殿入剎那際三昧，明此定體全即普光智體，無復古今延促、始終遷動之相，皆頓圓於一彈指頃，故云剎那際三昧。得是三昧者，皆可與毗盧同行，寂用自在矣。此即生佛共有本智之體、寂用之源也。」(X08, pp. 459c24-460a7)

P. 107, L. -4【日月燈明】《法華經授手》卷1〈序品第一〉：「日月燈是別號，正智如如曰日，大悲普蔭為月，隨機破惑曰燈。」(X32, p. 626b9-10)《法華經大成》卷1〈序品第一〉：「玄贊云：日有二能：一、導明，二、成熟。月有二能：一、除熱，二、清涼。燈有二能：一、破暗，二、傳照。顯佛有導迷至覺、成器熟根，除煩惱之熱，得涅槃之涼，化生、傳法、破愚癡暗，有此功能故立其名，亦三德圓滿之稱。別號云何同？當以名別義同釋之。日是慧、月是定，定慧自行也，燈明化他德也。能仁，能定慧、能自他，諸佛之號隨緣稱別，義不殊故。」(X32, p. 378a21-b4)

P. 108, L. 1【有無量號】《法華文句記》卷3〈釋序品〉：「如《楞伽經》「佛告大慧：我於此娑婆有三僧祇百千名號。」亦如《華嚴》，此四天下，十千名號，十方各一世界，各十千名號，乃至十方盡虛空界種種不同。此佛既然，諸佛皆爾；佛號既然，佛身說法亦復如是。」(T34, p. 205, a11-16)《楞伽阿跋多羅寶經》卷4〈一切佛語心品〉：「大慧！我於此娑呵世界(娑呵譯言能忍)，有三

阿僧祇百千名號，愚夫悉聞，各說我名，而不解我如來異名。」(T16, p. 506, b4-7)

《大方廣佛華嚴經》卷 12〈7 如來名號品〉：「此娑婆世界有百億四天下，如來於中，有百億萬種種名號，令諸眾生各別知見。諸佛子！此娑婆世界東，次有世界，名為：密訓。如來於彼，或名平等，或名殊勝，或名安慰，或名開曉]意，或名聞慧，或名真實語，或名得自在，或名最勝身，或名大勇猛，或名無等智……。如是等百億萬種種名號，令諸眾生各別知見。……。如是等百億萬種種名號，令諸眾生各別知見。……。上方有世界……。如是等百億萬種種名號，令諸眾生各別知見。諸佛子！如娑婆世界，如是東方百千億無數無量，無邊無等，不可數、不可稱、不可思、不可量、不可說，盡法界、虛空界、諸世界中，如來名號，種種不同；南、西、北方，四維、上、下，亦復如是。如世尊昔為菩薩時，以種種談論、種種語言、種種音聲，種種業，種種報，種種處，種種方便、種種根，種種信解、種種地位而得成熟，亦令眾生如是知見而為說法。」(T10, p. 60a3-12)

P. 108, L. 4【通號如來等】「十號」，又稱如來十號、十種通號。雖稱十號，然一般皆列舉十一號，即如下表。諸經論中亦有僅列舉十號者，即將世間解、無上士合為一號，或將佛、世尊合為一號，或將無上士、調御丈夫合為一號等諸說。

如來	梵 tathāgata， 多陀阿伽陀	乘如實之道而來而成正覺	無虛妄故， 倣同先德號
應供	梵 arhat， 阿羅漢	應受人天之供養	良福田故， 堪為福田號
正遍知	梵 samyak-sa j buddha， 三藐三佛陀	能正遍了知一切之法	知法界故， 徧知一切號
明行足	梵 vidyā-carana- sa j panna	天眼、宿命、漏盡三明及身口之行業悉圓 滿具足	具三明故， 果顯因德號
善逝	梵 sugata	以一切智為大車，行八正道而入涅槃	不還來故， 妙住菩提號
世間解	梵 loka-vid	了知眾生、非眾生兩種世間，故知世間滅 及出世間之道	知三世間， 達徧通真號
無上士	梵 anuttara	如諸法中，涅槃無上；在一切眾生中，佛 亦無上	無與等故， 調他心故， 攝化從道號
調御丈 夫	梵 purusa-damya- sārathi	佛大慈大智，時或軟美語，時或悲切語、 雜語等，以種種方便調御修行者(丈夫)， 使往涅槃	
天人師	梵 śāstā deva- manusyānā j	示導眾生何者應作何者不應作、是善是 不善，令彼等解脫煩惱	為眾生眼， 應機授法號
佛	梵 buddha	覺、覺他、覺行圓滿，知見三世一切諸法	三覺圓滿， 覺悟歸真號
世尊	梵 bhagavat	具備眾德而為世人所尊重恭敬	具上十德， 三界獨覺號